

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....

Diario

E MATUTINO DI ARUBA

DIFERENTE
LEY SOCIAL
DEN
PREPARACION

DIARANZON 4 JANUARI 1989 ABONADO PA LUNA 15.00 FLS* PA EJEMPLAR 0,60* AÑA 8/No. 2968

Calloway Corporation Airline Catering

SERVICIO NOBO TA HABRI MAS TRABAO NA ARUBA

Proyecto enorme ta wordo desaroya na aeropuerto



Durante un ceremonia ayeramainta construccion di un edificio impresionante na aeropuerto a keda presenta. Calloway Corporation Airline Catering lo bay percura pa mas catering na avionnan. Un relato extenso encuanto e proyecto y e ceremonia, durante cual Promer Ministro Eman a marca finalisacion di e periodo di planificacion.

Calloway Corporation Airline Catering **Servicio nobo ta habri mas trabao na Aruba** **Proyecto enorme ta worde desaroya na aeropuerto**

ORANJESTAD(AAN)-- Promer Ministro Mr. Henny Eman a hala un linea y asina simbolicamente a muestra cu e plannan pa construccion di e edificio nobo a keda clausura. Un edificio, cu lo mester acomoda Calloway Corporation Airline Catering, un servicio nobo cu Aruba ta brinda.

Crecimiento di Aruba ta continua. Ayera plannan pa construccion di un edificio impresionante na Aeropuerto a keda presenta. E groundbreaking pa e proyecto enorme di Calloway Corporation Airline Catering lo tuma lugar dia 27 di Februari.

Den un discurso presenta pa Ike Cohen, fundador di e compania nobo cu lo bay percursa pa cuminda a bordo di avionnan, el a presta atencion na e hecho cu e expansion turistico di Aruba a significa cu e servicionan presente di catering ya no ta suficiente. Actualmente Aruba Catering Service ta emplea 55 persona y ta percursu pa Mil plato diario pa companianan di aviacion.

Señor Cohen a bisa cu Calloway Corporation lo emplea mas di cien persona y tin e capacidad pa prepara 3 Mil plato pa dia. Cu shifts extra di trabao y mas equipo hasta por produci 9 Mil plato pa dia si asina demanda existi.

Jan Schilders, Director di e proyecto, a bisa cu e edificio nobo y eficiente lo sirbi e demandanan nobo ariba tereno di turismo na Aruba pa por lo menos 25 aña cu lo bini.

Calloway Corporation Airlines Catering lo cubri mas di 3.500 meter cuadro y lo ta un di e construccionnan mas moderno den Caribe. Construcion y equipo ta existi un suma di 4 Millon, cu a worde haci disponible pa Caribbean Mercantile Bank.

E actual facilidad, Aruba Catering Service, a prepara cuminda pa American Airlines, Eastern Airlines, KLM, American Trans Air, Air Aruba, Continental Airlines y un cantidad di charters. Tambe e tabata tin e honor di cater e jet cu a transporta Reina Beatrix. Presidente di

Venezuela y e Concorde di British Airways. Varios placa di merito a worde ricibi caba pa e compania.

Segun Debbie St. Laurent, actual General Manager di

Aruba Catering Service y General Manager di Calloway Corporation, e compania a logra brinda e mihor calidad. Awor cu e facilidadnan moderno di Galloway por mantene

paso cu e crecimiento turistico na Aruba.

Arquitectonan pa e edificio nobo tabata Lucas Croes y Ciriaco Erasmus, cu a ricibi elogio pa un trabao dificil.

